



Inatsisartunut ilaasortaq Karl-Kristian Kruse  
Karl-Kristina Kruse, Siumut  
-/Maani

**Inatsisartunut ilaasortap Karl-Kristian Krusep, Siumut, § 37.1 tunngavigalugu  
apeqquteqaataanut poortukkanik nassiussisarneq aamma pilersuineq pillugu  
apeqquteqaataanut allakkatigut akissuteqaat.**

24-07-2014  
Sags nr. 2014-101471  
Dok. nr. 1646445

**1. Royal Arctic Line nassiussanik toqqaannarnerusumik apuussuilernissaannik  
Naalakkersuisut pilersaaruteqarpat?**

Postboks 1160  
Tlf: 34 50 00  
Fax: 34 55 05  
3900 Nuuk  
Email: pan@nanoq.gl  
www.naalakkersuisut.gl

Royal Arctic Linep Kalaallit Nunaannut aamma nunami namminermi illoqarfiit  
akornanni assartuisarnera kiffartuussinissamut isumaqatigiissummut ilaavoq.  
Nunaqarfinnut pilersuinermit tunngatillugu tamanna Namminersorlutik Oqartussat  
aamma Royal Arctic Bygdeservice akornanni sullissinissamut  
isumaqatigiissuteqarsimanikkut aaqinneqarsimavoq.

Naalakkersuisut Royal Arctic Linep tunngaviusumik angalanissamut pilersaarutaa  
akuersissutigisarpaat aamma ingerlaavartumik Royal Arctic Bygdeservicep  
nunaqarfinni pilersuinissaanut tunngatillugu sullissinissamik isumaqatigiissut  
isumaqatigiinniutigineqartarpoq. Assartuinissamut pilersaarut piviusoq Royal Arctic  
Linemit aamma Royal Arctic Bygdeservicep pilersaarusiorneqartarput.  
Naalakkersuisut paasisaat tunngavigalugit assartuinermit pilersaarutaasup  
atorneqartup allangortinneqarnissaannik isumaliuteqartoqanngilaq.

Tamatumunnga pissutaavoq maannakkut assartuinermit pilersaarummi  
atorneqartumi anguniarneqarmat pilersuisussaataaernerup isumannaatsuunissaata  
annertunissaa sapinngisamik atugassat ikinnerpaat (umiarsuit) atorlugit.  
Tamatumunnga pissutaavoq umiarsuarnut aningaasaliissuteqarneq aamma  
tamatum kingunerisaannik ingerlatsineq (inuttaqarneq aamma aserfallatsaaliuineq)  
tassaammata umiarsuaatileqatigiiffinnut aningaasartuutaasartut annertunersaat.  
Tassa imaappoq umiarsuit marluk 400 sømillit katillugit angalatikkaanni taakku  
umiarsuarnit pingasunit katillugit 300 sømillinik angalatitsinermit akikinneruvoq.  
Tassa naak orsussa annertunerusoq pisariaqaraluartoq, taava umiarsuarmik  
ataasiinnarmik pisinermit aamma ingerlatsinermit aningaasatuutit  
annertunerujussuussapput. Aaqqiissutissaq ujartorneqartoq tassa  
toqqaannarnerusumik aamma pilertornerusumik sullissineq atorussanik  
amerlanerusunik pisariaqartitsissaaq tamannalu pissutigalugu  
malunnaateqarluartumik akisunerussalluni.

**2. Kiffartuussinissamut isumaqatigiissusiornermi imminut pilersornerup  
siuarsarnissaanut assartuinikkut Naalakkersuisut qanoq pilersaaruteqarpat?**

Imakkut assartuinermi angalaneq toqqaannarnerusunngorlugu  
allangortinneqassappat, taava tamatum kingunerisaannik kiffartuussinissamut  
isumaqatigiissut allangortinneqartariaqarpoq imaluunniit sullissinissamut nutaanik

isumaqatigiissuteqartoqassalluni. Taamatutaaq toqqaannarnerusumik  
assartuinerup kingunerissavaa akigititanik qaffaaneq tassa angalavigisartakkat  
annaasaqaataaffiusut matussutissaqartinniarlugit. Maannakkorpiaq Naalakkersuisut  
kiffartuussinissamik isumaqatigiissummik imaluunniit sullissinissamik  
isumaqatigiissutinik allanngortitsinissaminnik pilersaaruteqanngillat.

Inussiarnersumik inuulluaqqusillunga

  
For - Steen Lyng